

fronte ao tabaquismo e reguladora da venda, a subministración, o consumo e a publicidade dos produtos do tabaco.

Disposición derradeira única. *Entrada en vigor.*

Este real decreto lei entrará en vigor o mesmo día da súa publicación no Boletín Oficial del Estado.

Dado en Madrid o 12 de xaneiro de 2007.

JUAN CARLOS R.

O presidente do Goberno,
JOSÉ LUIS RODRÍGUEZ ZAPATERO

MINISTERIO DA PRESIDENCIA

742

REAL DECRETO 2/2007, do 12 de xaneiro, polo que se modifica o Real decreto 1432/2003, do 21 de novembro, polo que se regula a emisión de informes motivados relativos ao cumprimento de requisitos científicos e tecnolóxicos, para os efectos da aplicación e interpretación de deducións fiscais por actividades de investigación e desenvolvemento e innovación tecnolóxica. («BOE» 12, do 13-1-2007.)

A Lei 7/2003, do 1 de abril, da sociedade limitada Nova Empresa, pola que se modifica a Lei 2/1995, do 23 de marzo, de sociedades de responsabilidade limitada, na súa disposición adicional primeira establece que, con efectos para os períodos impositivos iniciados a partir do 1 de xaneiro de 2003, se modifica o número 4 do artigo 33 da Lei 43/1995, do 27 de decembro, do imposto sobre sociedades, e introduce a posibilidade para os suxeitos pasivos de achegar á Administración tributaria informes motivados relativos ao cumprimento dos requisitos científicos e tecnolóxicos necesarios para poder aplicar a dedución por actividades de investigación e desenvolvemento e innovación tecnolóxica. Así mesmo, a lei prevé a posibilidade de achegar estes informes para os efectos da presentación de consultas vinculantes para a Administración sobre a interpretación e aplicación da dedución, ou ben cando se lle pretenda solicitar á Administración tributaria a adopción de acordos previos de valoración dos gastos e investimentos correspondentes a proxectos de investigación e desenvolvemento ou de innovación tecnolóxica. Estes informes motivados, que teñen carácter vinculante para a Administración tributaria, deben ser elaborados e emitidos polo Ministerio de Ciencia e Tecnoloxía ou por un organismo adscrito a este.

Actualmente a regulación destes informes motivados contense no artigo 35.4 do texto refundido da Lei do imposto sobre sociedades, aprobado polo Real decreto Lexislativo 4/2004, do 5 de marzo.

A previsión inicial foi desenvolvida polo Real decreto 1432/2003, do 21 de novembro, que regula a emisión polo Ministerio de Ciencia e Tecnoloxía de informes motivados relativos ao cumprimento de requisitos científicos e tecnolóxicos, para os efectos da aplicación e interpretación de deducións fiscais por actividades de investigación e desenvolvemento e innovación tecnolóxica.

O citado real decreto establece no seu artigo 4 que a competencia para emitir estes informes lle corresponde, por un lado, á Dirección Xeral de Política Tecnolóxica do extinto Ministerio de Ciencia e Tecnoloxía, cuxas funcións

foron asumidas pola actual Dirección Xeral de Desenvolvemento Industrial, do Ministerio de Industria, Turismo e Comercio; e, por outro, ao director xeral do Centro para o Desenvolvemento Tecnolóxico Industrial, naqueles supostos en que o informe se refira a proxectos que previamente fosen avaliados como consecuencia da súa presentación a calquera das liñas de apoio financeiro a proxectos empresariais que xestiona o devandito centro.

Posteriormente, o Real decreto 1554/2004, do 25 de xuño, polo que se desenvolve a estrutura orgánica básica do Ministerio de Industria, Turismo e Comercio, estableceu no seu artigo 13.1.ñ) que lle corresponde á Dirección Xeral de Desenvolvemento Industrial o exercicio das funcións derivadas do Real decreto 1432/2003, do 21 de novembro, constituíndose no único órgano competente para a emisión dos informes motivados vinculantes para a Administración tributaria.

A aplicación práctica desta previsión puxo de manifesto a necesidade de que, co fin de incrementar a súa calidade, a Dirección Xeral de Desenvolvemento Industrial do Ministerio de Industria, Turismo e Comercio non sexa o único órgano que realice estes informes motivados, debendo participar, tamén, os seguintes organismos: o Centro para o Desenvolvemento Tecnolóxico Industrial (CDTI) cando lle corresponda, de conformidade co artigo 4.2 do Real decreto 1432/2003, do 21 de novembro; a Oficina Española de Patentes e Marcas, en colaboración coa Dirección Xeral de Desenvolvemento Industrial e a través das entidades acreditadas respecto daqueles proxectos en que o informe motivado se refira a proxectos de investigación e desenvolvemento e innovación tecnolóxica que desen lugar a unha patente ou a un modelo de utilidade ou sobre os que obtivese un informe tecnolóxico de patentes da Oficina Española de Patentes e Marcas; e o Instituto para a Diversificación e Aforro da Enerxía (IDAE), respecto daqueles proxectos sobre eficiencia enerxética e o uso racional da enerxía, así como de apoio á diversificación das fontes de abastecemento e o impulso da utilización das enerxías renovables; dado que estes organismos tamén contan con persoal cualificado axeitadamente para colaborar na realización dos informes motivados relativos ao cumprimento dos requisitos científicos e tecnolóxicos necesarios para poder aplicar a dedución por actividades de investigación e desenvolvemento e innovación tecnolóxica.

Por iso, mediante este real decreto procédese a modificar os artigos 4 e 5 do Real decreto 1432/2003, do 21 de novembro, para incluír a Oficina Española de Patentes e Marcas e o Instituto para a Diversificación e Aforro da Enerxía (IDAE), entre os órganos que colaboran co Ministerio de Industria, Turismo e Comercio para realizar ou colaborar na realización dos informes motivados.

Pódense destacar as seguintes modificacións: cando os informes motivados corresponda realízalos ao CDTI, exímese o solicitante do requisito de presentar un informe técnico de cualificación das actividades e identificación dos gastos e investimentos asociados a I+D+i, realizado por unha entidade acreditada pola Entidade Nacional de Acreditación (ENAC), posto que o devandito organismo conta con persoal cualificado para realizar o devandito informe técnico. Nos demais casos, o organismo competente para a emisión de informes motivados vinculantes poderá dispensar da existencia de informes técnicos previos nos supostos que determine. E, igualmente, o dito informe técnico poderá ser realizado en parte pola Oficina Española de Patentes e Marcas en colaboración coa entidade acreditada.

Por outra banda, inclúese tamén unha disposición adicional para adaptar a denominación dos ministerios e órganos directivos que se citan no devandito real decreto á súa denominación actual.

Na súa virtude, por proposta dos ministros de Industria, Turismo e Comercio e de Economía e Facenda, de

acordo co Consello de Estado e logo de deliberación de Consello de Ministros na súa reunión do día 12 de xaneiro de 2007,

DISPÓN O:

Artigo único. *Modificación do Real decreto 1432/2003, do 21 de novembro, polo que se regula a emisión polo Ministerio de Ciencia e Tecnoloxía de informes motivados relativos ao cumprimento de requisitos científicos e tecnolóxicos, para os efectos da aplicación e interpretación de deducións fiscais por actividades de investigación e desenvolvemento e innovación tecnolóxica.*

O Real decreto 1432/2003, do 21 de novembro, polo que se regula a emisión polo Ministerio de Ciencia e Tecnoloxía de informes motivados relativos ao cumprimento de requisitos científicos e tecnolóxicos, para os efectos da aplicación e interpretación de deducións fiscais por actividades de investigación e desenvolvemento e innovación tecnolóxica, modifícase nos seguintes termos:

Un. O artigo 4 terá a seguinte redacción:

«Artigo 4. Competencia para emitir informes.

1. O órgano competente para emitir, con carácter xeral, os informes motivados a que se refire este real decreto é o director xeral de Desenvolvemento Industrial do Ministerio de Industria, Turismo e Comercio. Naqueles supostos en que o informe motivado se refira a proxectos de investigación e desenvolvemento e innovación tecnolóxica que desen lugar a unha patente ou modelo de utilidade ou sobre os que se obtivese un informe tecnolóxico de patentes da Oficina Española de Patentes e Marcas, conviranse co director deste organismo as condicións xerais de colaboración, nos termos fixados no punto 4 do artigo 5.

2. A competencia para emitir informes motivados corresponderalle ao director xeral do Centro para o Desenvolvemento Tecnolóxico Industrial (CDTI), cando se trate de proxectos que previamente fosen financiados como consecuencia da súa presentación a calquera das liñas de apoio financeiro a proxectos empresariais que xestiona o devandito centro. Nestes casos non será necesaria a achega do informe técnico a que se refire o punto 3 do artigo 5 deste real decreto.

3. Cando se trate de proxectos sobre eficiencia enerxética e o uso racional da enerxía, así como de apoio á diversificación das fontes de abastecemento e o impulso da utilización das enerxías renovables, a competencia para emitir tales informes motivados corresponderalle ao director xeral do Instituto para a Diversificación e Aforro da Enerxía (IDAE).»

Dous. O punto 3 do artigo 5 terá a seguinte redacción:

«3. Igualmente, agás nos casos en que o órgano competente para emitir informes vinculantes así o determine, o solicitante deberá presentar un informe técnico de cualificación das actividades e identificación dos gastos e investimentos asociados a investigación e desenvolvemento ou innovación, de acordo coas definicións destes conceptos e os requisitos científicos e tecnolóxicos considerados no artigo 35 do texto refundido da Lei do imposto sobre sociedades, aprobado polo Real decreto legislativo 4/2004, do 5 de marzo, emitido por unha entidade debidamente acreditada pola Entidade Nacional de Acreditación (ENAC).»

Tres. Engádesse un novo punto 4 ao artigo 5 que terá a seguinte redacción:

«4. Para os efectos da emisión do informe técnico recollido no punto anterior, as entidades debidamente acreditadas convirán a realización dunha parte del coa Oficina Española de Patentes e Marcas, nos supostos en que o informe motivado se refira a proxectos de investigación e desenvolvemento e innovación tecnolóxica que desen lugar a unha patente ou modelo de utilidade ou sobre os que se obtivese un informe tecnolóxico de patentes da Oficina Española de Patentes e Marcas. A Dirección Xeral de Desenvolvemento Industrial comprobará que se produciu esta colaboración na realización do informe técnico achegado polo solicitante.»

Disposición derogatoria. *Derrogación normativa.*

Quedan derogadas todas as normas de igual ou inferior rango no que contradigan ou se opoñan ao disposto neste real decreto

Disposición derradeira primeira. *Adaptación de denominacións.*

As referencias contidas no Real decreto 1432/2003, do 21 de novembro, relativas a: Ministerio de Ciencia e Tecnoloxía, Ministerio de Facenda e artigo 33 da Lei 43/1995, do 27 de decembro, do imposto sobre sociedades, deberanse entender realizadas a: Ministerio de Industria, Turismo e Comercio, Ministerio de Economía e Facenda e artigo 35 do texto refundido da Lei do imposto sobre sociedades, aprobado polo Real decreto legislativo 4/2004, do 5 de marzo, respectivamente.

Disposición derradeira segunda. *Entrada en vigor.*

Este Real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 12 de xaneiro de 2007.

JUAN CARLOS R.

A vicepresidenta primeira do Goberno
e ministra da Presidencia,

MARÍA TERESA FERNÁNDEZ DE LA VEGA SANZ

743

REAL DECRETO 3/2007, do 12 de xaneiro, polo que se modifica o Regulamento do Servizo Xurídico do Estado, aprobado polo Real decreto 997/2003, do 25 de xullo. («BOE» 12, do 13-1-2007.)

A organización do Servizo Xurídico do Estado tivo tradicionalmente unha estrutura provincial, baixo a dirección centralizada da Avogacía Xeral do Estado-Dirección do Servizo Xurídico do Estado. Con iso, non só se respondía á estrutura administrativa do Estado, senón que se acomodaba, en boa medida, á planta xudicial coa que se relaciona gran parte da asistencia xurídica.

Agora ben, a realidade de que a organización da Administración xeral do Estado e da planta xudicial segue sendo en gran parte provincial non pode ser óbice á consideración de que a implantación das comunidades autónomas ten que ser recoñecida organizativamente nun servizo do Estado, que se acomoda, así, á existencia dun órgano único de representación do Goberno na comunidade autónoma, o delegado do Goberno, e á influencia que o feito autonómico ten no exercicio das propias competencias do Estado. Tampouco pode esquecer o papel